

Na osnovu člana 17. Zakona o Vijeću ministara Bosne i Hercegovine („Službeni glasnik BiH“ br. 30/03, 42/03, 81/06, 76/07, 81/07 i 24/08), člana 33f. stav (2), tačka a) Zakona o finansiranju institucija BiH („Službeni glasnik BiH“ br. 61/04, 49/09, 42/12, 87/12 i 32/13) i člana 24. tačka e) Zakona o internoj reviziji institucija Bosne i Hercegovine („Službeni glasnik BiH“ br. 27/08 i 32/12), na prijedlog Centralne harmonizacijske jedinice Ministarstva finansija i trezora Bosne i Hercegovine, Vijeće ministara Bosne i Hercegovine na 8. sjednici, održanoj 11. juna 2020. godine, donijelo je

O D L U K U

O USVAJANJU STRATEGIJE RAZVOJA SISTEMA INTERNIH FINANSIJSKIH KONTROLA U INSTITUCIJAMA BOSNE I HERCEGOVINE ZA PERIOD 2020-2025. GODINA

Član 1.

(Predmet odluke)

Ovom odlukom usvaja se Strategija razvoja sistema internih finansijskih kontrola u institucijama Bosne i Hercegovine za period 2020-2025. godina (u daljnjem tekstu Strategija) koja je sastavni dio ove odluke i kojom se utvrđuju daljnji pravci razvoja sistema internih finansijskih kontrola u institucijama Bosne i Hercegovine.

Član 2.

(Sadržaj Strategije)

- (1) Strategija sadrži sveobuhvatan strateški cilj, kao i konkretne strateške ciljeve i operativne mjere za unapređenje sistema finansijskog upravljanja i kontrole, sistema interne revizije i monitoring i izvještavanje o sistemu internih finansijskih kontrola u institucijama Bosne i Hercegovine.
- (2) Strategija sadrži akcioni plan s detaljnim podacima o mjerama koje je potrebno realizirati, rezultatima mjera, aktivnostima, indikatorima, nosiocima aktivnosti i rokovima za realizaciju mjera.

Član 3.

(Realizacija mjera i izvještavanje o Strategiji)

- (1) Za realizaciju mjera iz Akcionog plana Strategije odgovorni su Centralna harmonizacijska jedinica Ministarstva finansija i trezora Bosne i Hercegovine i institucije Bosne i Hercegovine koje su nosioci aktivnosti iz Akcionog plana Strategije.
- (2) Centralna harmonizacijska jedinica Ministarstva finansija i trezora Bosne i Hercegovine ima obavezu izvještavati Vijeće ministara Bosne i Hercegovine o realizaciji mjera iz Akcionog plana Strategije.

(3) Izvještavanje Vijeća ministara Bosne i Hercegovine vrši se putem godišnjih konsolidiranih izvještaja o sistemu interne revizije i finansijskog upravljanja i kontrole koje Centralna harmonizacijska jedinica Ministarstva finansija i trezora Bosne i Hercegovine putem Ministarstva finansija i trezora Bosne i Hercegovine dostavlja Vijeću ministara BiH svake godine.

Član 4.

(Objavljivanje Strategije)

Tekst Strategije zajedno s Akcionim planom objavljuje se na web stranici Ministarstva finansija i trezora Bosne i Hercegovine.

Član 5.

(Stupanje na snagu)

Ova Odluka stupa na snagu osmog dana od dana objave u „Službenom glasniku Bosne i Hercegovine“.

VM broj 120/20

Sarajevo, 11. juna 2020.godine

Predsjedavajući Vijeća ministara Bosne
i Hercegovine

Dr. Zoran Tegeltija, s.r